

Amra Junuzović – Kaljić
Zastupnik u Skupštini Kantona Sarajevo

Sarajevo: 26.03.2019.

KANTON SARAJEVO
Vlada Kantona Sarajevo
Ministarstvo zdravstva Vlade Kantona Sarajevo
Skupština Kantona Sarajevo
n/r Predsjedavajući Skupštine Kantona Sarajevo
n/r Sekretar Skupštine Kantona Sarajevo

Predmet: **Zastupničko pitanje.**

Poštovani,

u skladu sa članom 106. i 213. Poslovnika Skupštine Kantona Sarajevo („Službene novine Kantona Sarajevo“, broj 25/10, 14/11, 19/11, 7/12, 26/12), **upućujem zastupničko pitanje Vladi Kantona Sarajevo i Ministarstvu zdravstva Vlade Kantona Sarajevo, a u vezi pedijatrijske zdravstvene zaštite u Kantonu Sarajevo i specijalizacijama iz pedijatrije.**

O b r a z l o ž e n j e

U Dokumentu „Mišljenje o opravdanosti zahtjeva za specijalizacijama i subspecijalizacijama u javnom i privatnom sektoru u Kantonu Sarajevo za 2018. godine“, koje je dostavljeno Ministarstvu zdravstva Kantona Sarajevo (Dopis KZJZ Sarajevo, broj 04.14-6616/18 od 04.10.2018), a na osnovu „Izvještaja o organizacionoj strukturi i kadrovima zaposlenim u zdravstvenim ustanovama (obrazac br. 3-00-60, stanje na dan 31.12. 2017.) u JU Dom zdravlja Kantona Sarajevo, u procesu rada je 34 specijalista pedijatrije. Od tog broja 14 ljudi je iznad 60 godina dobi (40%). U osnovi to znači da u narednih, najviše pet godina, odlaze u penziju.

Ova činjenica, u svakom slučaju, ne smije biti zanemarena u projekciji broja potrebnoga specijalističkoga kadra za naredni period, obzirom da bi krajem 2023. godine broj pedijataru na primarnom nivou iznosio ukupno 16 doktora medicine – specijalista pedijatrije.

U ovo bi bilo potrebno uključiti i sve ostale faktore, uključujući posebno varijablu „izlaza radne snage“ i projiciranja u svjetlu mogućeg gubitka ljudskih resursa (migracije, promjene karijere, zdravstveni razlozi, prijevremeno penzionisanje, redovno penzionisanje itd.), što je moguće u narednom periodu.

Nadalje, napominjem da je Federalno ministarstvo zdravstva na osnovu utvrđenog godišnjeg plana specijalizacija, odnosno subspecijalizacija Ministarstva zdravstva KS donijelo je godišnji Plan potrebnih specijalizacija odnosno subspecijalizacija u kojem je u oktobru 2018. godine odobreno 14 specijalizacija pedijatrije.

Iz svega proizilazi pitanje gdje je nastao zastoj konkursa za specijalizacije pedijatrije, da li su obezbjeđena finacijska sredstva i u krajnjoj liniji se postavlja pitanje opstojnosti primarne pedijatrijske zaštite.

S poštovanjem,



Amra Junuzović-Kaljić
Zastupnik u Skupštini Kantona Sarajevo
Nezavisna bosanskohercegovačka lista